

光緒二年夏重鑄

肇慶府志

析津齋世熙題

志書之如是謂圖經凡閘隘之
險易戶口之多寡水利之蓄洩
土宜之先後不出戶庭而按圖
可索志不綦重哉乙亥之冬攝
事嶺西訪郡志無有也閱日瑞
南星太守以舊本進謂咸豐四年
之亂寶燬於火視之則凡例皆
當獨地畧未析因以廣東進

呈地圖縮而易之其陽江近已改廳赤
溪廳之建恩開六有割奪者均不
敢刪仍舊志也因與南星太守共
捐金刻之通詳

大府逾月而書成世嘗謂俗吏不
可為然以官閑無事多是一編
審地方之所宜思閭閻之疾苦
旦夕求之究其所以然以興其利

而除其弊積之歲時未必無小補也
余未久即去又不能躬親其事
獨慙於是書之刻俾後來者有所
遵循因披覽而知利弊因利弊而
籌良策將治蒸之目上而肇人享
其利於無窮是則余之志也夫
光緒二年丙子秋初識於穗垣城
南之尋樂軒

中憲大夫 賞戴花翎 欽加按察使
司按察使銜署南韶連兵備道聲
羅分巡道雷瓊兵備道聲陽羅分巡
道事廣東候補道析津齊並書

志者記也在國為史在郡縣為
志蓋方輿之廣蒼黔之衆臨政
者不能躬自編歷也因為圖若
書以統貫而條理之于以知形
勢察風俗考沿革徵文獻以求
治道之原豈僅備觀覽已哉
慶為郡當兩粵之衝上控高唐

下俯韶石左憑廣海右瞰蒼梧
固嶺南一雄鎮也舊志刻按道
光癸巳為余始生之歲蓋自壬
午以後夏森圃應訪以觀察並
攝郡篆始加采輯歷十二寒暑
乃告成于年丈珠狀山太守之
手迄今四十四年矣庚午歲余

來守是邦即問志書則咸豐四
年已燬于火乃從坊間覓得舊
本擬作重刻之舉及乙亥之冬
觀察齊公末權嶺西道事余以
舊本進備言其故親簪欣然相
許因共捐金發工開雕通詳
大府逾年而書告成余因之有

感焉當年丈秋山太守刻書之
時經營十數載如告成功將謂
傳世不朽有舉莫廢也庸詎知
不三十年遂已付诸雲煙過眼
耶又當是年而余如生廟詎知
展轉遇合重新梨棗併其書為
完書耶秋山太守与余同梓里

詰嗣廕遠棠比部又與余乙卯
同舉京兆余繼官斯土與秋山
太守相距四十四年其中似有
主之者而非人力所能為也大
抵廢興倚伏之理振古如斯而
人乃囿其中而不覺俯仰今昔
能勿深長思哉今陽江已改為


廳而郡中人女蔚起有燕一日
上之盛計其時可以重修事鉅
而為日長未敢肩此任也請俟
後之君子

光緒二年歲次丙子季秋之月

誥授

中議大夫鹽運使銜知廣東肇

慶府事長白瑞昌譔書



重修肇慶府志序

郡之有志所以觀風考俗鑒古證今彰治道而
昭來許者也毛萇詩傳曰升高能賦山川能說
可以爲大夫豈徒矜博雅之才潤色鴻業云爾
哉肇慶古端州地自宋重和元年升爲府帶山
控江綰轂兩粵實東南扼要之區

國朝版章式廓道一風同重以制度日新守土者

又亟宜紀錄也第博觀往籍舛陋與繁蕪交譏
昔郡守吳君繩年撰志二十八卷歷年既久踵

事宜增邇者觀察夏森圃先生創於前許青士
先生繼於後其書犁然可觀而尙需鋟梓獨秋
山太守毅然以志乘爲已任設局延儒重加刪
潤復與謝堂金太守再三商榷參訂無疑然後
付諸剞劂氏余於道光十一年采風茲郡時則
開雕未竣故不獲先觀是編十三年秋校試穗
垣秋山郵寄郡志受而讀之其書二十二卷輿
圖二十七凡例十有六地輿廣輪之數參諸晷
度遵

御製也職官選舉之門旁行斜上做史例也圍基培
築之處詳明丈尺崇水利也廨署以表之貢賦
以充之學校以風之錄宦績者思其政紀人物
者廣其材書節烈者闡其德嚴武備者慎其守
收金石者補其遺與夫事記雜記悉瞭然若指
諸掌是書也簡而能賅詳而有法其裨益治術
足以信今傳後者奚止如大夫之九能也哉予
嘉其擇言之精藏事之速也爰抽毫而爲之序
道光十三年秋八月督學者黔陽李泰交撰

...

...

...

...

...

...

...

...

...

重修肇慶府志序

肇慶當百粵之衝扼山海之險延袤數千里舊有志宋李宗諤張宋卿二家始修之明正統間四明王縈始爲鏤版厥後屢有刪潤版凡五易我

朝乾隆二十四年郡守吳君繩年釐爲二十八卷迄今七十年矣

國家重熙累洽俗厚民淳嘉績懿行可風可紀者數十年間泯焉弗彰是守土者責也道光癸